

SPICILEGIUM HISTORICUM

Congregationis SSmi Redemptoris

Annus IX

1961

Fasc. 2

1762-1962

SANCTO PATRI NOSTRO

ALFONSO MARIAE DE LIGORIO

MEMORES

FAUSTAE ILLIUS EXALTATIONIS

AD CATHEDRAM ECCLESIAE SANCTAE AGATHAE GOTHORUM
A CLEMENTE XIII S.P. ABHINC DUCENTOS ANNOS SANCITAE
QUA INTER SUCCESSORES APOSTOLORUM EST COOPTATUS

hunc fasciculum
dicant dedicant offerunt

devoti filii
socii redactionis et laboris

In Consistorio diei 14 iunii an. 1762 S. Alfonsus a Summo Pontifice Clemente XIII, Ecclesiae Sanctae Agathae Gothorum Episcopus est praeconizatus, et, proximo die dominico, 20 iunii, in ecclesia S. ae Mariae supra Minervam, Ordinis Fratrum Praedicatorum, Romae, consecrationem episcopalem accepit.

Ne tam faustae rei bis centum ante annos peractae memoria deficiat, recordationi peculiari Episcopatus S. i Patris Nostri fasciculum proprium huius nostri « Spicilegii historici » dicere peraptum nobis visum est. - Ceterum, quoniam S. Alfonsus tredecim annos (1762-1775) gubernavit dioecesim Sanctagathensem, sat temporis nobis erit comminiscendi posthac aspectus singulares operositatis suae apostolicae, cuius praeambula hodierno fasciculo salutamus.

Itaque, non pauca adhuc inedita vel parum nota diligentissime a variis nostris scriptoribus collata sunt: exhibentur documenta ad electionem et consecrationem S. i Alfonsi pertinentia; illustratur pia eiusdem ad Sanctuarium Lauretanum peregrinatio, ante consecrationem suscepta; dantur epistulae tempore Episcopatus Patris nostri scriptae (inter quas 32 adhuc ineditae); praesentantur notitiae, pariter ineditae, R. di Domini Felicis Verzella, qui s. o Episcopo a secretis fuerat, necnon notulae a P. e Tannoia collectae, quas « Sentimenti di Monsignore » denominavit, i. e. sententias spirituales sancti Praesulis nostri. Sequitur studium quo hodiernum archivum episcopale Sanctagathense describitur, quatenus nobis refert documenta actualitatis pastoralis S. i Alfonsi. Nec deest, denique, delineatio dioeceseos qualis temporibus S. i Alfonsi fuerat, et qualis nunc est.

Hisce itaque praelo subiectis, sperare nobis liceat, « iubilaeo » bis-centenario elevationis S. i Alfonsi in Episcopum — quantum nostri esse potest, — dignum dari initium.